



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 29 Б А С П А С Ө З Р Е Л И З І
2 0 1 0 ж ы л ғ ы 23 желтоқсан**

**Қаржылық ынтымақтастық жөніндегі
Қытай-Қазақстан шағын комитетінің
алтыншы отырысын өткізу туралы**

2010 жылғы 9-10 желтоқсанда Санья қаласында (Қытай Халық Республикасы) Қытай Халық Банкі Төрағасының орынбасары Ма Дэлуннің және Қазақстан Республикасының Ұлттық Банкі Төрағасының орынбасары Бисенғали Шамғалиұлы Тәжіяқовтың төрағалық етуімен Қаржылық ынтымақтастық жөніндегі Қытай-Қазақстан шағын комитетінің кезекті алтыншы отырысы өтті.

Қазақстан тарапынан отырысқа Қазақстан Республикасы Ұлттық Банкінің, Қазақстан Республикасы Қаржы нарығын және қаржы ұйымдарын реттеу мен қадағалау агенттігінің, Қазақстан Республикасы Алматы қаласының өңірлік қаржы орталығының қызметін реттеу агенттігінің, «ҚРҰБ Қазақстан банкаралық есеп айырысу орталығы» РМК-ның, «Қазақстан Даму Банкі» АҚ-ның, «Қазақстан Халық Банкі» АҚ-ның, «БТА Банк» АҚ-ның, «Қытайдың Алматы қаласындағы сауда-өнеркәсіп банкі» АҚ-ның және «Қазақстандағы Қытай Банкі» ЕБ АҚ-ның өкілдері, сондай-ақ Қытай Халық Банкінің, Қытай Халық Республикасы Сыртқы істер министрлігінің, Қытай Халық Республикасы Сауда министрлігінің, Қытай банктік реттеу жөніндегі комиссияның, ҚХР бағалы қағаздар нарығын реттеу жөніндегі комиссияның, ҚХР сақтандыру нарығын реттеу жөніндегі комиссиясының, Шетел валютасын айырбастау жөніндегі мемлекеттік әкімшіліктің, Қытай экспорттық кредиттерді сақтандыру корпорациясының, «Bank of China», «China Development Bank», «The Export-Import Bank of China», «Industrial and Commercial Bank of China», «Agricultural Bank of China», «China Construction Bank», «China Export & Credit Insurance Corporation», «China Unionpay», «Bank of Shanghai», «Bank of Hebei», «Shanghai Pudong Development Bank» өкілдері қатысты.

Отырыстың барысында қатысушылар өзара ынтымақтастықтың бірқатар мәселелерін талқылады және Қазақстан мен Қытайдың қаржы топтары арасындағы байланысты одан әрі болашақта дамытудың бағыттарын айқындады.

Қытай Халық Республикасы мен Қазақстан Республикасының қаржы-экономикалық жай-күйінің ағымдағы ахуалы туралы мәселені талқылау шеңберінде Тараптар макроэкономикалық және ақша-кредит саясатының мәселелері бойынша ақпарат алмасты және қаржы дағдарысының салдарларын

еңсеру жөнінде уақтылы қабылданған шаралардың екі ел экономикасының одан әрі өсуіне және қаржы секторының тұрақтануына ықпал еткенін атап өтті.

Ұлттық валюталармен есеп айырысуды жүзеге асырумен байланысты мәселелерді шешуге айрықша назар аударылды. Бұл мәселені талқылау нәтижесінде «Қорғас» шекара маңы ынтымақтастығы халықаралық орталығындағы ынтымақтастықпен байланысты мәселелерді талқылау үшін Тараптардың орталық банктері арасындағы жұмыс тобын құру, екі елдің төлем жүйелерінің өзара іс-қимылы, сондай-ақ Тараптардың ұлттық валюталарымен есеп айырысуды жүргізу туралы уағдаластыққа қол жеткізілді.

Қытайдың Қор нарығын реттеу жөніндегі комиссиясы және Қазақстан Республикасы Алматы қаласының өңірлік қаржы орталығының қызметін реттеу агенттігі бірін-бірі екі елдің қор нарықтарындағы ахуал туралы хабардар етті және қор нарықтарының қызметін реттейтін органдардың одан әрі ынтымақтастығы болашағының бар екенін атап өтті және осы бағыттағы, сондай-ақ Қазақстан Республикасы Қаржы нарығын және қаржы ұйымдарын реттеу мен қадағалау агенттігі мен ҚХР бағалы қағаздар нарығын реттеу жөніндегі комиссиясы арасындағы өзара түсіністік туралы меморандумның жобасын келісу бойынша белсенді жұмысты жалғастыруға уағдаласты.

Қазақстан Республикасы Қаржы нарығын және қаржы ұйымдарын реттеу мен қадағалау агенттігі және Қытай сақтандыру нарығын реттеу жөніндегі комиссиясы сақтандыру нарығының ағымдағы жағдайы, сақтандыру нарығын дамыту және Қазақстан Республикасы мен Қытай арасындағы одан әрі ынтымақтастықтың перспективалары туралы ақпарат алмасты. Тараптар осы саладағы тәжірибе алмасуды одан әрі жалғастыруға және ҚР Қаржы нарығын және қаржы ұйымдарын реттеу мен қадағалау агенттігі мен ҚХР сақтандыру нарығын реттеу жөніндегі комиссиясы арасындағы сақтандыруды қадағалау саласындағы өзара түсіністік туралы меморандумның жобасын келісу барысын жеделдетуге уағдаласты.

Бұдан басқа, Тараптар Қытай Халық Банкі мен Қазақстан Республикасының Ұлттық Банкі арасындағы екіжақты Қытай юані/Қазақстан теңгесі валюталық своп жөніндегі келісімнің жобасын, сондай-ақ 2005 жылғы 14 желтоқсанда Пекин қаласында қол қойылған, Қазақстан Республикасы Қаржы нарығын және қаржы ұйымдарын реттеу мен қадағалау агенттігі мен Қытай банктік реттеу жөніндегі комиссиясы арасындағы өзара түсіністік туралы меморандумға өзгерістер енгізу туралы хаттаманың жобасын келісу үдерісін жеделдетуге уағдаласты.

Жалпы алғанда, Қаржылық ынтымақтастық жөніндегі Қытай-Қазақстан шағын комитетінің алтыншы отырысы мазмұны жағынан жоғары деңгейде өтті және Тараптар қаржылық ынтымақтастықтың қол жеткізілген нәтижелеріне қанағаттанғандықтарын білдірді.